

հանձնված է տպագրության: Ինստիտուտը հրատարակության է պատրաստում ակադեմիկոս ազգագրագետ-բանահավաք Գ. Սրվանձտյանի աշխատությունները երեք հատորով: Ակադեմիկոս Ե. Մանուկյանը և ուսումնասիրություններ հայ ազգագրության և բանահյուսության» մատենաշարի հրատարակությունը, որի առաջին չորս հատորները հանձնված են տպագրության:

Ինստիտուտը կազմակերպել է գիտական նստաշրջաններ՝ նվիրված ակադեմիկոս ազգագրագետների, բանագետների գործունեությանը: Ինստիտուտի գիտաշխատողները հետաքրքիր զեկուցումներով հանդես են եկել Մոսկվայում, Լենինգրադում, Կիևում, Քիշինևում, Բաքվում և այլ քաղաքներում կազմակերպված հնագետների, ազգագրագետների, բանագետների ամենամյա նստաշրջաններին, կոնֆերանսներին ու սիմպոզիումներին:

Ինստիտուտի աշխատակիցները մասնակցում են նաև միջազգային կոնգրեսներին: 1960 թ. Մոսկվայում կայացած արևելագետների միջազգային 25-րդ կոնգրեսում ինստիտուտի հին և միջնադարյան հնագիտության բաժնի վարիչ, պրոֆ. Կ. Ղաֆադարյանը հանդես եկավ «Գվի-նի պեղումները», իսկ ավագ գիտաշխատակից, պատմ. գիտ. թեկնածու Գ. Տիրացյանը՝ «Աքեմենյան տրագիցիաները հին Հայաստանում» զեկուցումներով, 1960 թ. օգոստոսին Ստոկհոլմում կայացած պատմաբանների միջազգային VII կոնգրեսում պրոֆ. Բ. Առաքելյանը զեկուցեց Հայաստանի նյութական մշակույթի մասին անտիկ շրջանում, որը մեծ ուշադրության արժանացավ: 1964 թ. օգոստոսին Մոսկվայում կայացած ազգագրական և մարդաբանական գիտությունների VII կոնգրեսին մասնակցեցին մեր ինստիտուտի գիտաշխատողներ, գիտության վաստակավոր գործիչ Ա. Լիսիցյանը հանդես

եկավ «Հայ ժողովրդական պարային և թատերական ներկայացումները», պատմական գիտությունների զեկուցող էմ. Կարապետյանը՝ «Պատրոնոմիական հարաբերությունների վերադասակարգումը հայերի մեջ», պատմ. գիտ. թեկնածու Դ. Վարդումյանը՝ «Հայաստանի ազգագրական շրջանների բնութագրումը» ուշադրավ զեկուցումներով, որոնք հրատարակվեցին անդլերեն և ռուսերեն լեզուներով: Հնագիտության և ազգագրության ինստիտուտը գիտական կապեր է հաստատել ժողովրդական զեմոկրատիայի և արտասահմանյան երկրների գիտնականների հետ: Հայաստան են այցելել Պրագայի համալսարանի զոցենտ, խեմագետ Վ. Սոուչեկը, ամերիկացի հնագետ Ա. Ռոբերտը, 1960 թ.՝ օրոֆեսորներ Գյոտցեն (ԱՄՆ), Հյուլին (Անգլիա), Բրեքցիանուն (Ռումինիա), Վարշավայի գիտության և արվեստի պատմության ինստիտուտի գիտաշխատող, զեկուցող Մարիա Դեկան, բուլղարական ազգագրագետ Ա. Պրիմովսկին, որն զբաղվում է նյութական մշակույթի ուսումնասիրությամբ, ինչպես նաև հայ-բուլղարական մշակույթի փոխազդեցությունների հարցով, ամերիկյան հայտնի մարդաբան և հնագետ, Հարվարդի համալսարանի օրոֆեսոր Հենրի Ֆիլդը, որի նախաձեռնությամբ ԱՄՆ-ում անդլերեն թարգմանվում են Բ. Առաքելյանի «Գառնի» աշխատության I և II պրակները, հնգիկ հնագետներ Լալը և Շարմանը, անգլիացի գիտնականներ Գալիթ Լանգն ու հնագետ Ջորջ Բարնեյլ: Վերջինս հանդես է եկել Թուրքիայի տերիտորիայում հղած ուրարտական հուշարձանների ուսումնասիրության վերաբերյալ զեկուցումով, իսկ ամերիկյան հնագետ Ռեզարտ Կերտոնը ծանոթացրեց Իրանական Ազգագրության տերիտորիայում կատարած իր հնագիտական աշխատանքներին:

Կ. ՄԵԼԻՔ-ՓԱՇԱՅԱՆ

ԶՈՒՋԵՎԱՆԻ ԴԱՄԲԱՐԱՆԱԴԱՇՏԻ ՎԱՂ ԲՐՈՆՋԵԴԱՐՅԱՆ ՀՈՒՇԱՐՁԱՆՆԵՐԸ

Զուլեանի դամբարանադաշտը պատկանում է «Արամի բլուր» կոչվող ժայռափակ բլրի գագաթին գտնվող կիկլոպյան ամրոց-բնակատեղիին, ուր 1929 թ. բնակարանաշինարարության ժամանակ հայտնաբերվել են շենգավիթյան տիպի վաղ բրոնզեդարյան կացարաններ: Կիկլոպյան այդ ամրոցը, որը անմատչելի է հարավային կողմից, շրջափակված է բնական և արհեստական ժայռապարիսպներով: Նրա հյուսիսային

մասով՝ 400 մ հեռավորության վրա ձգվող հարթավայրում, տարածվում է վաղ միջնադարյան բնակավայրն ու գերեզմանոցն իր հնագույն ավերված վանքով: Ամրոցի ժայռապատ հարավային գագաթը ավարտվում է կապույտ գրանիտե քարաժայռերով կտրուկ իջնող զառիթափ թերթիքամբ, որի ստորոտով անցնում է ասֆալտապատ ճանապարհը, որը հատող դամբարանադաշտն իր լայնությամբ ձգվում է մոտ

200 մետր դեպի հարավ և ավարտվում «Շոր-վանի ձորով» հոսող գետակով: Դամբարանադաշտը արևմուտքից-արևելք է ձգվում մոտ 800 մ տարածությամբ: Նա ոչ միայն նոյեմբերյանի շրջանում ամենախոշոր հնադարյան դամբարանադաշտն է, այլև ամենահետաքրքիրն է թաղման բաղմազան ձևերով, որոնք վկայություն են նրա երեք հազարամյա հարատևության:

Բնակատեղիից հայտնաբերված քարե գործիքները ենթադրել են տալիս, որ այդ շրջանի բնակչությունը զբաղվել է երկրագործությամբ և մետաղամշակությամբ: Այստեղ հայտնաբերվեց քարե շատ սլարզ էլիպսաձև մի աղորիք, իսկ արևելյան բերդապարսպի մոտ՝ սանդ և կոտորված սանդակով (նկ. 7 և 8): Շրջանի լճկաձոր և Արծիս գյուղերում ևս հայտնաբերվել են է. հանգադյանի բնութագրած ստորին հիմնական և վերին տրորիչ քարերից բաղկացած աղորիքներ ու սանդակներ, որոնք ընդհանուր նմանություն ունեն Շրեշ-բլուրի, Շենգավիթի և Մուխանաթ-թափայի պղնձեդարյան շրջանի քարե գործիքներին¹: Խոսելով նման քարե սլարզ աղորիքների մասին, պրոֆ. Բ. Ն. Առաքելյանը նշում է, որ այդպիսի աղորիքներ գտնվել են Հայաստանի այն բնակավայրերում, որոնք գոյություն են ունեցել մ. թ. ա. IV—III հազարամյակում²: 67 սմ երկարությամբ և 37 սմ լայնությամբ այդ աղորիքն ունի որոշ գոգավորություն, հավանաբար ծառայել է որպես հատիկահան անելու միջոց:

Անդրկովկասում և Հայաստանում հայտնաբերված նման աղորիքները Բ. Բ. Պրոտրովսկին բնութագրում է որպես նեոլիթյան շրջանի III հազարամյակի հատիկամշակման քարե գործիք³:

Քարե սանդը (տախտակ № 1, նկ. 2), որն ունի 9 սմ խորություն և 13 սմ տրամագիծ, գտնվեց բնակատեղիի բերդապարսպից ոչ հեռու նրանից 40 մ հեռավորության վրա, ձորաբերանին, փոսորակ տարածության վրա առատորեն դուրս էր գալիս մետաղական խարամ: Նման սանդերը հնագիտության մեջ բնութա-

գրված են որպես հանքամշակության նպատակով օգտագործվող քարե գործիքներ:

Դամբարանադաշտի վաղ բրոնզեդարյան հուշարձաններով տեղակայված № 3 դամբարանից հայտնաբերված պղնձյա մանյակը նույնպես ասպացուցում է, որ ամրոցի բնակչությունը դեռևս IV—III հազարամյակից մշակելիս է եղել մետաղ: Պատրաստման տեխնիկայով մանյակը պարզունակ է և տարբերվում է ավելի ուշ շրջանի նմուշներից: Նման մանյակներ հայտնաբերվել են Ե. Լալայանի կողմից Շրեշ բլուրի ստորին շերտի պեղումների ժամանակ, քարե մուրճերի հետ միասին⁴: Մանյակը մեծ հավանականությամբ մշակվել է տաք եզանակով: Հայտնի է, որ դեռևս IV հազարամյակից մետաղի մշակման սառը և ապա III հազարամյակից՝ տաք եղանակները հայտնի էին Հայկական լեռնաշխարհում ապրող ցեղերին:

Ջուլեանի դամբարանադաշտի կենտրոնական մասում վաղ հայկական շրջանի թաղումների ստորին շերտում են տեղավորված վաղ բրոնզեդարյան հաղվագյուտ թաղումները, որոնց շրջափակում են բրոնզեդարյան II հազարամյակի թաղումները և ապա շրջանաձև հաջորդում են բրոնզեդարյան թաղումները. այնուհետև որքան դամբարանադաշտը հեռանում է դեպի ծայրամասերը, թաղումները վերաբերում են ավելի ուշ՝ վաղ երկաթի, երկաթի և ապա բուրդովին ուշ ժամանակաշրջաններին:

Դամբարանադաշտում աչքի ընկնող տեղ են գրավում շրջանակի և ձվածիր թաղումները: Վերջիններս էլիպսաձև շարված կոպիտ քարեր են: Այդպիսի դամբարանների երկարությունը հասնում է 3—4 մետրի, լայնությունը՝ 1,5—2 մ, իսկ խորությունը հասնում է մինչև 2,5 մետրի: Նրանց մեջ հաճախ լինում են 1—2 կոպիտ քարեր: Դամբարանում հանգուցյալի դիակը դրվել է ոչ կանոնավոր քառանկյան կամ բաղմանկյան ձև հիշեցնող քարակղզի մեջ և ծածկվել է սալերով: Թաղման նման ձևերը նույնպես Հայաստանում տարածված ձևերից են:

Իրենց չափերով ավելի փոքր են շուրջանակի թաղումները, որոնց տրամագիծը չի անցնում 1—1,5 մ, իսկ խորությունը՝ 1-ից 1,2 մ: Սրանք գետնաթաղ անձե քարեր են, որոնց թիվը 5—8 քարից ավելի չէ: Այդպիսի դամբարաններում դիակները թաղված են նստած վիճակում և չեն ծածկված սալերով:

Դամբարանադաշտի գերեզմանների տարածված ձևերից են նաև քարարկղաձև թաղումները: Միջին և ավելի ուշ շրջանի բրոնզեդարյան այդ

¹ է. Վ. Խանդադյան, Հայկական լեռնաշխարհի մշակույթը մ. թ. ա. III հազարամյակում, Երևան, 1967, էջ 37, աղյուսակ 3-րդ և 4-րդ:

² Բ. Առաքելյան, Մեր նախնիների տեխնիկան, «Գիտ. և տեխնիկա», 1966, № 6, էջ 5:

³ Б. Б. Пиотровский, Основные этапы древнейшего земледелия в Армении, «Պատմա-բանասիրական հանդես», 1961, № 3—4:

⁴ Ե. Լալայան, Դամբարանների պեղումները Խորհրդային Հայաստանում, Երևան, 1931:



1



2



3



4



5



6



7



8

Պամբարաններում երկու կողմից իրար զուգահեռ դրված են երկու սալաքարեր, որոնց մեջ դիակները թաղված են դիակիզված կամ կուշեկած ձևով և ծածկված են սալերով: Նրանց երկարությունը հասնում է 1,2—1,6 մ: Նման Պամբարաններով հարուստ են Նոյեմբերյան գյուղի Հարսնաքարի և Աղաջանդիթի, Ղոշղոթան գյուղի «Խալաթի գոմատեղ» և Կողբի «Ղլջանց զաշ» կոչվող հանդամասերի Պամբարանադաշտերը:

Ավելի ուշ՝ երկաթի դարի ժամանակաշրջանի քարակղային գերեզմանոցներում հանգուցյալները դրված են երեք կամ առանձին դեպքերում չորս կողմից շրջափակված, որոշ ձև տրված, բարակ քարասալերից քարակղներում, որոնք ծածկված են սալերով:

Այդպիսի կանոնավոր քառակյունի Պամբարանների լայնությունը չի անցնում 40—60 սմ-ից, իսկ երկարությունը տատանվում է 70 սմ-ից 1 մետրի միջև: Գրեթե նույն չափի խորություն ունեն այդ Պամբարանները:

Պամբարանադաշտի կիկլոպյան բնակատեղիից հայտնաբերված Լենտիթյան շրջանի խեցազործության բեկորների նախնական ուսումնասիրությունները ցույց են տալիս, որ պատրաստման որակով և նախշարվեստով դրանք նման են Պամբարանադաշտում հայտնաբերված խեցեզործության նմուշներին: Մյուս կողմից Պամբարանադաշտի և բնակատեղիի խեցեզործական արտադրության արգասիքները նման են Հայաստանում տարածված կավանոթներին, որոնք առանձնահատուկ են իրենց սև փայլուն անգորով և կարմիր աստառով: Լայն բերանով, նեղ հատակով և շրջանաձև բռնակներով բնորոշ կավամանները ունեն զորշ, օխրագույն, կարմիր կամ վարդագույն աստառներ:

Նոյեմբերյանի շրջանի տարբեր վայրերում հայտնաբերված վաղ բրոնզեդարյան շրջանի խեցեզործական մշակույթի նմուշներից նկատելի է, որ նրանք ընդհանուր նմանություն ունեն խրամի ավազանի III հաղարամյակի խեցեղենի հետ:

Ջուջևանի «Միջին մատի» Պամբարանադաշտի կենտրոնական մասի վաղ հայկական ժամանակաշրջանի Պամբարանների ստորին շերտում հայտնաբերված հուշարձաններից իրենց զարդարվեստով ավելի ուշադրավ են միմյանց նման, երկվորյակ զավաթները (նկ. 1—3), որոնք հայտնաբերվեցին կից Պամբարաններից: Վերահիշյալ երկու զավաթներն ունեն նեղ փոքրիկ հատակ, լայն բերան, վարդարված են ակո-

սային փոսիկներով և ուռուցիկ փակ նախշերով, որոնք վերջանում են զեղեցիկ պարույրներով: Նրանք փոքր ինչ մեծ են Թրիլիսիի պատմական թանգարանում պահվող Մոխրարլուրի երկու զավաթներից, ճակայն պատրաստման իրենց որակով և արվեստով նման են նրանց:

Նրանցից առաջինը (նկ. 1) ունի շրջանաձև բռնակ, զորշ գույնի աստառ: Նրա բարձրությունը 15 սմ է, բերանի լայնությունը՝ 12,5 սմ, հատակի լայնությունը 4 սմ է, իսկ փոքր պարագիծը՝ 50 սմ: Ներձկված նախշերով, կես սմ հաստություն ունեցող այդ զավաթի պատերն ունեն փոսիկներ և համակենտրոն շրջաններ:

Նրկորդը (նկ. 3) նույնպես ունի մուգ սև գույնի փայլ, զորշ սպիտակավուն աստառ, զարդարված է ակոսային փոսիկներով և ուռուցիկ ներձկված փակ նախշերով, որոնք ավարտվում են զեղեցիկ պարույրներով: Ունի 16 սմ բարձրություն, բերանի լայնությունը հասնում է 11 սմ-ի, իսկ հատակինը՝ 3,5 սմ-ի: Պատրաստման որակով և զարդարվեստով միանգամայն նման է առաջինին: Ի տարբերություն առաջինի, կավանոթի շուրթի վրա երկու հակադիր կողմերում կան երկուական պտուկներ: Գավաթի փորով ձգվող և այն երկու մասի բաժանող, խոր թեք գծերով դոտու վերևի և տակի մասով անցնող պարույրները պարփակվում են եռանկյունաձև նախշերի մեջ:

Պամբարանադաշտում կան նաև սև փայլով, անզարդ շրջանաձև բռնակներով կարմիր և նարնջագույն աստառ ունեցող խեցեղենի նմուշներ, որոնք նման են Գառնիի վաղ բրոնզեդարյան շերտի և էլարից հայտնաբերված III հաղարամյակի խեցեղենին: Նրանց տարատեսակներից է մուգ սև անգորով ծածկված, անզարդ, շրջանաձև բռնակ ունեցող կարճավիզ զավաթը (նկ. 4): Նրա զորշագույն աստառի հաստությունը հասնում է 0,6 սմ-ի: Գավաթը երկու հավասար մասերի է բաժանվում իրանի կենտրոնով անցնող թույլ գծիկներով արտահայտվող գոտիով: Վերջինս իր մեծությամբ փոքր ինչ զիջում է նախորդ 2 զավաթներին: Նրա բարձրությունը հասնում է 11 սմ-ի, բերանի լայնությունը 10 սմ է, իսկ հատակինը՝ 5,6 սմ:

Պամբարանադաշտում հայտնաբերվել են նաև վաղ բրոնզեդարյան, սև փայլ ունեցող երկրաշափական նախշերով, ծիրանագույն և վարդագույն աստառներով, մինչև 1,8 սմ հաստությամբ խեցեղեն մնացորդներ, նման Շենգավիթի և Շրեշ-բլուրի նմուշներին: Հայտնաբերված բեկորները (նկ. 5 և 2) ունեն վարդագույն աստառ, մանր նուրբ կետանախշեր և գծային փորագրումներով մեանդրներ, եռանկյուններ և ումրաձև նախշեր. վերադիր նախ-

⁵ Б. А. Куфтин, Материалы к археологии Колхиды, т. I, Тбилиси, 1949, էջ 10—21.

շերը ավարտվում են պարույրներով: Քիչ չեն նաև երկրաչափական պարզ, միմյանց ղուգահեռ կամ իրար հատող ղծիկներով, սև փայլով սպիտակավուն հաստ աստառ ունեցող կարասների բեկորներ, որոնք հայտնաբերվել են ինչպես դամբարանադաշտից, այնպես էլ բնակատեղիից (նկ. 6): Այդ բեկորներին ղուգահեռ հայտնաբերվում են նաև մինչև 1,8 սմ հաստությամբ ծիրանագույն, դեղնադույն, III հաղարամյակի խեցեգործական մշակույթին վերաբերող, շրջանաձև բռնակներ ունեցող անդարդ խեցիների մնացորդներ (նկ. 6), որոնք նման են էլարում, Կամոյում, Մուշում գտնվածներին⁶: Նման մեկ կանթանի սև, փայլեցրած, անդարդ գավաթներ հայտնաբերվել են նաև Նախիջևանի Քյուլ-թափայում⁷:

Նոյեմբերյանի և Ալավերդու վաղ բրոնզեդարյան շրջանի խեցեղենին բնորոշ են կարմրավուն և դեղնավուն հիմնագույնով, գորշ ալիքաձև և ումբաձև գծերով նախշերը, ինչպես նաև թունակերպ պատկերները: Դրանք նման են Շենգավիթի 4-րդ և Գյուլի-թեփի «Կ» շերտում հայտնաբերված նմուշներին: Վաղ բրոնզեդարյան թաղումների հատվածում հայտնաբերվել են քարե քանդակներ, որոնք հավանաբար արտացոլում են որսորդական կամ պաշտամունքային երևույթներ:

Դամբարանադաշտի վաղ բրոնզեդարյան կուլտուրական շերտի կոպիտ, ոչ հղկված, անզարդ, ջարդված կճուճի մեջ հայտնաբերվեցին երեք բուշափ ածխացած ցորենի, գարու և հաճարի հատիկներ: Հավանաբար սովորույթ է եղել հանգուցյալների հետ թաղել նաև հացահատիկ: Հայտնի է, որ վաղ բրոնզեդարյան III հաղարամյակի հուշարձանների հետ ածխացած հացահատիկ է հայտնաբերվել Շենգավիթում, Ադրբեջանի Քյուլ-թափայում և Վրաստանի մի շարք վայրերում, որոնք ապացուցում են, որ վաղ բրոնզի դարում Հայկական լեռնաշխարհում, ընդհանրապես Անդրկովկասում վայրի հացահատիկների կոլեքին մշակել, ցանել և օգտագործել են կուլտուրական հացահատիկների տեսակներ⁸:

Ջուջևանի վաղ բրոնզեդարյան բնակատեղիից և նրան կից դամբարանադաշտից հայտնաբերված քարե աղորիքը, սանդը, սանդակոթերը, խեցեգործության նմուշները, ինչպես նաև ժամանակակից գրեթե բոլոր կենդանատեսակների ոսկորները հանգեցնում են այն եզրակացության, որ Ջուջևանն արդեն այդ ժամանակաշրջանում անասնապահությամբ և հողագործությամբ զբաղվող, խեցեգործական բարձր արվեստ ունեցող բնակատեղի է եղել:

Ս. ԶԻԼԻՆԳԱՐՅԱՆ

ՀԱՅԱԳԻՏՈՒԹՅՈՒՆԸ ԱՐԵՎՄՈՒՏՔՈՒՄ

(Մատենագիտություն, 1968)

Ստորև ներկայացվում է Սովետական Միությանից դուրս հրատարակվող հանդեսների հազագիտական հոդվածների երկրորդ ցուցակը: Արձաղանքելով արված առաջարկություններին, ևս ընդգրկել եմ նաև այն հոդվածները, որոնք լույս են տեսել Revue des Etudes Arméniennes-ում (Փարիզ): Այս ցուցակում, սակայն, չեն ներառված այն հոդվածները, որոնք հրապարակվել են հայկական պարբերականներում՝ «Բազմավկություն», «Հանդես ամսօրյայում» և այլն: Ինչպես նախորդ ցանկում, չեն ընդգրկված նաև Ուրարտուի պատմության և հնագիտության վերաբերյալ հոդվածները:

⁶ Ս. Հ. Սարգսյան, Նախնադարյան հասարակությունը Հայաստանում, Երևան, 1967, էջ 221:

⁷ Օ. Ա. Абибулаев, Некоторые итоги изучения холма Кюль-Тепе в Азербайджане, էջ 162, նկ. 4, 16, 17, էջ 164—165, 17 Հանդես, № 1

Դժբախտաբար հանդեսները հաճախ լույս են տեսնում մեծ հապաղումներով, որի հետևանքով և ես ձեռքի տակ չեմ ունեցել 1968 թ. բոլոր հրապարակումները: Սակայն ավելի նպատակահարմար է լույս բնծայել ներկա ցուցակը, քան սպասել մինչև որ լույս տեսնեն բոլոր հնարավոր աղբյուրները: Այս ցուցակին կից տալիս ենք մի հավելված, որտեղ ընդգրկված են 1966—67 թվականների մատենագիտության մեջ բացակայող հոդվածները:

* * *

Garabed Amadouni, L'autocéphalie du Katholikar arménien, in *I Patriarcati orientali nel primo millennio* (= *Orientalia Christiania Analecta* 181) (Rome) 1968, p. 137—178.

⁸ է. Խանդադյան, նշվ. աշխ., էջ 34—39: